

Nuotu

(talianu: Noto) è na cità dû sud-est di la Sicilia, di circa 23000 abitanti. Si trova a circa 30 km di Sarausa e 70 di Rausa, e 10 dô mari Joniu.

L'abbitanti si chiàmanu "nuticiani".

Lu cumuni di Nuotu è lu quartu 'n Italia pi superfici.

Ricustruiuta doppu lu tirrimotu dô 1693, Nuotu è canusciuta pi l'architittura barocca, e oi è patrimonu munniali di l'Unesco. Prima di lu tirrimotu, la cità surgia a na cinquina di chilòmitri di unni si trova attualmenti. Meta di piddirinaggi di erimiti, na vallata vicinu la cità fu scigghiuta di S. Currau comu erimitaggiu.

Anticamente, Nuotu dava lu nomu a tutta la Sicilia sud orientali, chi era chiamatu appuntu lu Val di Nuotu. La cità di Nuotu fu l'ùrtima cità siciliana occupata dî mussulmani a rinnìrisi ê nurmanni ntô 1091.